

allein 3. stundt also gehalten wirdt/gantz fol schleimiger wesserigkeit wirdt/Derhalben diß wider den Schlag zübrauchen/nicht zü verachten ist.  
¶ Fornen an der Brust vmb das hertzgrüblein

getragen/vmb die zeit/Nemlich 3. tag vor / vnd 3. tag nach dem follen Monn/bemimbt alle Melancholische schwermütigkeit des hertzens/so von hofsem vbrigem gebliet vnd Felte herkommen.

Melanholiam vnd schwermütigkeit verreiben.

# Das 9. Capitt. Von dem Hertten Gewechs

## wechs FERULA dem Weiblein/ sunst THAPSIA vnd Hypopion genandt.

### Geschlecht/ Ort/ vnd Namen.

**D**ies gewechs (wie nicht allein Dioscorides Lib. 4. cap. 151. sonder auch Plin. Lib. 13. cap. 22. bezeuget) soll seinen Namen von der Insel Thapsa oder Thapsos / welche bey 10. Stadia von Syracusa im Sicilianischen Meer gelegen/derhalben daß es Erstlich oost Absten soll gesehen sein / Empfangen haben / Daß es aber auch Scammonion genandt ist / Entsteht im ohne zweiffel diser Nam vom Wort σκαμμωνια seiner durchtrügenden vnd Purgirenden Art halben.

Weshalben dises aber Hypopion genandt/ist nicht schließlich züschreiben/es were dann sach / das diser Nam von dem wort ὑποπιον oder ὑπώπιον (ich belade mich/ob es per u oder per u. geschriben werde/hie gar nicht/sonder besich solchs höherer Geisteren/doch sag ich daß dises wort ein Affect oder Mangel / der zwischen dem hertelein oder Nertzlein/vnd den feuchten der augen / dem Gesichte züfiele / bedeutet) also genembt were/ wie dann Paracelsus dises dem gesichte vnd den Instrumenten oder Nerven desselbigen / Liebende anderer Glideren zügeeignet hat.

Daß es aber Pancranon genandt / mag vom worte πέντζης (welches ein gar köstlich vnd bewert medicament/ wider vil vnd mancherley beschwerlicher zufellen bedeutet/wie dann Paracelsus dises im seinem Laudano / dessen sich vil aber doch ohne grunde veriembt haben/ gebraucht / vnd nicht für das wenigste stück darzú hochgehalten hatt) sein Ursprung nehmen.

Es wirdt auch nicht so gar weit auß dem weg sein/dises gewechs für ein solches (wie gerings biß har geacht) zühalten/ weil Cicero bezeuget/das L. Metellus der Prator oder Schuldes ein solches Panchrestum gehabt/ damit er vil seiner gütten freunden/auf beschwerlichen Kranckheiten Errettet habe. Piperium möcht es vilicht von der Scherpfe vnd Wermie der Wurtzel genandt worden sein. Wiewol die Krafft viel grösser / dan der Geruch oder geschmack ist / Welches ohne zweiffel Auicenna Er-

faren / Derhalben er dises Lib. 2. cap. 710. nicht vmb sunst/inn Arabischer sprach Tesfic genandt hat.

Es möcht vileicht der gestaltd vnd beschreibung nach/dises das Edel Gewechs תבשית oder der Altarsbeger / vnd von den zwey wortten thaab oder sibab har / also genandt sein. Dann תבשית ist so vil geredt alls תבשית / vnd bedeutet etwas mit grossem Ernst bitten/ oder begeren / so hatt תבשית auff Griechisch so vil alls ἠγροα / das ist/ Senectus oder daß Alter zübedeuten / Ob nun der Nam Thapsia / auß disem versamleten Wortte thaabsibab Erstlich Entstanden / vnd wie andere Namen mehr von den Hebreern (als den Aller Ertisten Völcchern) zü andern Nationen gewachsen sey / steht jedem bey sich selbs (Weil der glauben frey ist) zü Judiciren. Doch sol es fürhin/vmuer-

Alle zeugen Thapsus Insel Syracusa. Sicilianisch oder der Meoterranisch Meer. Testic. תבשית thaab. תבשית sibab. תבשית Sibab. תבשית Thapsia. Thapsia von Thabsibab. Scammonia ein purgirender safft Hypopion. Juden alt volck. Jeder mag glauben was er wil.



Signatur inn Gemein.

Wie hie vornen im achtten Capittel von des Mans Feste vnd von Natur hart tragenden theilen/auff welchen sich der Leib stüzet/ als Namlich der gebein/Ripp/Seen/ Hirnschalen/vnd anderen Condylis Gleich vnd Knorren angezeigt/ also vnd gleicher gestalt/Signiren wir hinfür Eben dies selbigen theiler/ Doch wollen wir hierbey des Weiblichen Leibs gedacht/vnd denselbigen darmit verzeichnet haben/welches wir den Leser zügedencken vermanen.

legt seines Namens Thapsia / den im andere geben habe / allein von des vnderscheidts wegen/ Altars beger/auff Griechisch ἠγρομύμμενος ἠγρομύμμενος heißen.

Nun diß ist das ander geschlecht der Ferula (welches am Geruch/ welches am Geruch/ etwas gerin-

ἠγρομύμμενος ἠγρομύμμενος Cornca. Paracelsus. Weiblein des Ferula geschlecht.

ger/aber von wegen seiner/Edlen vermischung/ an Krafft vnd Tugend vil vermöchlicher) vnd der halb das Weiblein / ein treffenlich herrlich / vnd nutzlich gewechs / Welchs von etlichen Trinacria/ aber bey den Italianern vñ Franzosen auch Thapsia vnd bey den Hispanieren Otom yerua genandt wirdt.

Pancranon. πέντζης Trinacria. Laudanus. Otom yerua. Thapsia. Sicilia. Britannia. Cicero. L. Metellus ein Aegt. Piperium. Zeylen. Thermophylische Clausen. Berntische gebirg. Alagenfurt. Johan Erass von Seunen. Gellerlandt. Disteldorf am Rhein. Auicenna.

Es wirdt aber diß Stilecht gewechs (wie gehört nicht allein inn der Insel Thapsa / vnd vmb Sicilia/sonder wie Etliche hochgelarte Menner schreiben in Apulia/auff dem Garganischen gebirg/ auch in Britannia gefunden/Sunst wechsset es auch inn der Insel Zeylen / also bey den Thermophylischen Clausen vnd das noch wunderbarer ist / so hab ichs inn dem Berntischen gebirg/ oberhalb Alagenfurt/vnd Anno 70/ im Landt zü Gelleré/ als ich mit Bischof Johan von Münster/ der des Keisers Maximiliani Tochter auff Linwegen zügeleitetzoch/ bey dem Stetlein vnd Fürstlichenhaus Disteldorf nebende vil anderen glaubwürdigen Leuten gesehe.

Pancranon. πέντζης Trinacria. Laudanus. Otom yerua. Thapsia. Sicilia. Britannia. Cicero. L. Metellus ein Aegt. Piperium. Zeylen. Thermophylische Clausen. Berntische gebirg. Alagenfurt. Johan Erass von Seunen. Gellerlandt. Disteldorf am Rhein. Auicenna.

### Gestalt/Constellatio vnd Qualitet der THAPSIAE.

Welcher Form vnd Gestalt diß Gewechs sey/hat Dioscorides Lib. 4. cap. 151: Was es aber für Krafft vnd Tugend habe / hat vor j-

me der Alte Theophrastus Lib. 9. cap. 22. vnd Galen. lib. 6. aber wie es in Italia bey dem Keyser Nerone erstlich bekandt worden/Plin. Lib. 13. cap. 22. beschriben. Es hat weibe kauft.

Gestalt. Dioscorid. lib. 4. cap. 151. Theo. li. 9. cap. 22. Plin. li. 13. ca. 22. Galen. lib. 6. Jero braucht hat weibe kauft.